

中國哲學思想
要籍續編

典論
·
中論
仲長統論

廣文書局
印行

魏文帝撰
孫鴻翼輯

中國哲學思想
要籍續編

典



廣文書局
印行

中華民國七十七年五月初版

仲長統論
典論·中論

精裝一冊定價：新台幣



版權所有
不准翻印

撰者 徐

幹

發行人 王

道

榮

發行所

廣文書局有限公司

地址：北縣中和市華新街113巷2弄6號

電話：(02)866685204

傳真：(02)866687399

e-mail: kwangwen@ms31.hinet.net

行政院新聞局局版臺業字第零捌叁貳號

魏文典論序

魏文著典論据裴松之引王忱魏書胡冲吳歷皆載之故陳壽
魏志言帝好著述所論說垂百篇卽謂典論也忱書中紀其漢
文帝論雖未明題典論之文然合以藝文類聚帝王部所引漢
武帝論亦見太平御覽皇王部及太平御覽人事部漢孝昭論與忱書相
證知其歷論漢諸帝事均各爲篇且觀裴注華陀傳有論卻儉
等事竝文選中論文篇意典論分目皆以論爲篇題耳隋經籍
志及唐志皆列於子部儒家爲書五卷至宋藝文志始不著錄
今緝其逸簡共存三十餘事以論文最爲全篇故編於首然北
堂書鈔設官部載李尤文章賈逵薦其有相如楊雄之風又藝
文部載論屈原相如之賦孰愈或典論體例固列敘前代作者
事迹而以論建安七子之文終篇則是篇亦僅存論而軼其敘

事矣文選所載曹家昆弟文詞多見於魏志注惟論文僅自今
之文人至楊班儔也裴氏採此十數語而已至於帝自敘篇裴
注與御覽徵引似亦完善然如魏太子製百辟刀劍事未必非
自敘篇語則裴李或有刪節也御覽宋李昉撰故有裴李之稱南荆以劉表子
弟有三雅之爵河朔以劉松有避暑之飲太醫令張奉與人飲
去衣露形爲樂雒陽令郭珍暑夏召客裸袒使婢進酒數事並
見御覽而酒以成禮過則復敗而流於沈湎故作酒誨以誡之
北堂書鈔酒食部引此三言當卽論表松奉珍事也書在曹魏
時嘗刻於石與太學石經並列裴松之戴延之兩西征記並述
其事裴氏西征記見魏志注戴氏西征記見御覽隋志經部亦載石經典論一卷梁
劉勰文心雕龍以密而不周譏魏典蓋不過陳思序書陸機文
賦應瑒文論之流其中莊論如君子謹乎約已宏乎接物急賢

甚於饑渴用人速於順流智而能愚勇而知怯諸語前志以列
儒家或取諸此顧乃尊之爲經布之太學無亦妄相推崇邯鄲
淳輩不能免諛佞之訾也石本六碑晉時已毀其四故隋志一
卷自是不全之碑至宋而簡編並帙雖李昉等引於御覽而晁
公武陳振孫皆未言及則知御覽所載資於修文殿本非親見
典論元書未得謂宋代尙存也

考證

魏志文紀注引王忱魏書曰文帝初在東宮疫厲大起時人
彫傷帝深感歎與素所敬者大理王朗書曰生有七尺之軀
死惟一棺之土惟立德揚名可以不朽其次莫如著篇籍疫
厲數起士人凋落余獨何人能全其壽故論譔所著典論詩
賦蓋百餘篇集諸儒於肅成門內講論大義侃侃無倦

太平御覽

卷九十三 皇王節 引魏書
而止於無倦句下見魏志注 常嘉漢文帝之爲君寬仁元默

務欲以德化民有賢聖之風時文學諸儒或以爲孝文雖賢其於聰明通達國體不如賈誼帝由是著太宗論曰昔有苗不賓重華舞以千戚尉陀稱帝孝文撫以恩德吳王不朝賜之几杖以撫其意而天下賴安乃宏三章之教愷悌之化欲使曩時累息之民得闊步高談無危懼之心若賈誼之才敏籌畫國政特賢臣之器管晏之姿豈若孝文大人之量哉三年之中以孫權不服復班太宗論於天下明示不願征伐也他日又從容言曰願我亦有所不取於漢文帝者三殺薄昭幸鄧通慎夫衣不曳地集上書囊爲帷帳以爲漢文儉而無法舅后之家但養育以恩而不當假籍以權旣觸罪法又不得不害矣其欲秉持中道以爲帝王儀表者如此

又引胡沖吳歷曰文帝報孫權使致驪子表明光鑑驂馬又以素書所作典論及詩賦與權又紙寫一通與張昭

又三少帝紀注曰裴松之西征記曰臣松之昔從征至洛陽歷觀舊物見典論石在太學者尙存而廟門外無之

又劉劭傳注魚豢魏畧曰蘇林博學多通文帝作典論所稱蘇林者是也

文心雕龍才畧篇曰典論辨要

又序志篇曰詳觀近代之論文者多矣魏文述典密而不周隋書經籍志經部小學類一字石經典論一卷

又子部儒家魏文帝撰典論五卷唐書藝文志同

太平御覽文部戴延之西征記曰國子堂前有刻碑漢建武中立永嘉六年詔下三府繕治有魏文典論六碑今四存二

敗

興論一卷

潘陽孫馮翼輯

論文

典論逸篇推此爲全篇故以弁於卷首

文人相輕自古而然傅毅之於班固伯仲之間耳而固小之與弟超書曰武仲以能屬文爲蘭臺令史下筆不能自休夫人善於自見而文非一體鮮能備善是以各以所長相輕所短里語曰家有弊帚享之千金斯不自見之患也今之文人魯國孔融文舉廣陵陳琳孔璋山陽王粲仲宣北海徐幹偉長陳畱阮瑀元瑜汝南應瑒德璉東平劉楨公幹斯七子者於學無所遺於辭無所假咸以自騁驥驂於千里仰齊足而竝馳以此相服亦良難矣蓋君子審己以度人故能免於斯累而作論文王粲長於辭賦徐幹時有齊氣然粲之匹也如粲之初征登樓槐賦征

思幹之元猿漏卮員扇橘賦雖張蔡不過也然於他文未能稱是琉璃之章表書記今之雋也應瑒和而不壯劉楨壯而不密孔融體氣高妙有過人者然不能持論理不勝詞至於雜以嘲戲及其所善楊班儔也常人貴遠賤近向聲背實又患聞於自見謂已爲賢夫文本同而末異蓋奏議宜雅書論宜理銘誄尙實詩賦欲麗此四科不同故能之者偏也惟通才能備其體文以氣爲主氣之清濁有體不可力强而致譬諸音樂曲度雖均節奏同檢至於引氣不齊巧拙有素雖在父兄不能以移子弟蓋文章經國之大業不朽之盛事年壽有時而盡榮樂止乎其身二者必至之常期未若文章之無窮是以古之作者寄身於翰墨見意於篇籍不假良史之辭不託飛馳之勢而聲名自傳於後故西伯幽而演易周旦顯而制禮不以隱約而弗務不以

康樂而加思夫然則古人賤尺璧而重寸陰懼乎時之過已而人多不強力貧賤則懾於饑寒富貴則流於逸樂遂營目前之務而遺千載之功日月逝於上體貌衰於下忽然與萬物遷化斯志士之大痛也融等已逝惟幹著論成一家言

昭明文選卷五十二

按昔人引典論以博物志時代最居前今以昭明所引全篇用弁於首魏志注次之其他零簡依時編錄

帝自敘曰初平之元董卓殺主

一作弑帝

鳩后蕩覆王室是時四海

既困中平之政兼惡卓之凶逆家家思亂人人自危山東牧守咸以春秋之義衛人討州吁於濮言人人皆得討賊於是大興義兵名豪大俠富室強族飄揚雲會萬里相赴兗豫之師戰於滎陽河內之甲軍於孟津卓遂遷大駕西都長安而山東大者連郡國中者嬰城邑小者聚阡陌以還相吞滅會黃巾盛於海

岱山寇暴於井冀乘勝轉攻席卷而南鄉邑望烟而奔城郭觀
塵而潰百姓死亾暴骨如莽時余年五歲上以世方擾亂教余
學射六歲而知射又教余騎馬八歲而能騎射矣以時之多故
一作多難故每征伐余嘗從建安初上南征荊州至宛張繡降旬日
而反亾兄孝廉子修從兄安民遇害時余年十歲乘馬得脫夫
文武之道各隨時而用生乎中平之季長於旅戎之間是以少
好弓馬於今不衰逐禽輒十里馳射常百步日夕體倦心每不
厭建安十年始定冀州潞貊獻良弓燕岱獻名馬時歲之暮春
勾芒司節和風扇物弓燥手柔艸淺獸肥與族兄子丹獵於鄴
西終日手獲麋鹿九雉免三十餘後軍南征次曲蠡尙書令荀
彧奉使犒軍見余談論之末彧言問君善左右射此實難能余
曰埒有常徑的有常所雖每發輒中非至妙也若夫馳平原赴

豐艸邀狡獸截輕禽使弓不虛發所中必洞習斯則妙矣時軍祭酒張京狂座顧或拊手曰善余又學擊劍問師多矣四方之法各異惟京師爲善桓靈之間有虎賁王越善斯術稱於京師河內史阿言昔與越遊具得其法余從阿學之甚精熟嘗與平虜將軍劉勲奮威將軍鄧展等共飲宿問展善有手臂曉五兵又稱其能空手入白刃余與論劍良久謂言將軍法非也余顧嘗好之又得善術因求與余對時酒酣耳熱方食芋蔗便以爲杖下殿數交三中其臂左右大笑展意不平求更爲之余言吾法急屬難相中面故齊臂耳展言願復一交余知其欲突以取中也因僞深進展果尋前余卻腳鄧正截其額坐中驚視余還坐笑曰昔陽慶使淳于意去其故方更授以秘術余亦願鄧將軍捐棄故伎更受要道也一坐盡歡夫事不可自謂已長余少

曉持複自謂無對俗名雙戟爲坐鐵室鑲楯爲蔽木戶後從陳
國袁敏學以單攻複每謂若神對家不知所出先曰若逢敏於
狹路直決耳余於他戲弄之時少所喜惟彈碁畧盡其妙乃少
爲之賦昔京師先工有馬合鄉侯東方安世張公子嘗恨不得
與彼數子者對上雅好詩書文籍雖在軍旅手不釋卷每定省
從容常言人少好學則思專長則善忘長大而能勤學者惟吾
與袁伯業耳余是以少誦詩論及長而備歷五經四部史漢諸
子百家之言靡不畢覽所著書論詩賦凡六十篇至若智而能
愚勇而知怯仁以接物恕以及人以付後之良史魏志武紀注
文紀注世說
巧斲篇注史記索隱卷二十六司馬相如傳注斲文類聚卷七
十四巧斲部卷八十七某部初學記卷九帝王部北堂書鈔卷
三卷十卷十二帝王部太平御覽卷九十三皇王部卷五百九
十二文部卷七百十服用部卷七百四十六工部卷九百七
十四某部
合錄成篇

按此自敘似亦篇名魏志注太平御覽二書所引較爲完善
意林世說注意林等則畧引數語北堂書鈔引皆單句今並
錄之

袁譚長而惠尙少而美紹妻劉氏愛尙數稱其才紹亦奇其貌
欲以爲後未顯而紹死紹妻劉性酷妬紹死僵尸未殯寵妾五
人劉盡殺之以爲死者有知當復見紹於地下乃髡頭黑面以
毀其形尙又爲盡殺死者之家

魏志袁紹傳注後漢書袁紹傳
注太平御覽卷三百六十五人

部事

劉表疾病其子琦還省疾琦性慈孝蔡瑁張允恐琦見表父子
相感更有託後之意謂曰將軍命君撫臨江夏爲東國藩其任
至重今釋輿而來必見譴怒傷親之歡心以增其疾非孝敬也
遂遏於戶外使不得見琦流涕而去

魏志劉表傳注太平御
覽卷五百十六宗親部

論郤儉等事曰潁川郤儉能辟穀餌伏苓甘陵甘始亦善行氣
老有少容廬江左慈知補導之術竝爲軍吏初儉之至市伏苓
價暴數倍議郎安平李軍學其辟穀餐伏苓飲寒水中瀉利殆
至殞命後始來似人無不鳴視狼顧呼吸吐納軍謀祭酒宏農
董芬爲之過差氣悶不通良久乃蘇左慈到又競受其補導之
術至寺人嚴峻往從問受閭豎真無事於斯術也人之逐聲乃
至於光和中北海王和平亦好道術自以當仙濟南孫邕少
事之從至京師會和平病死邕因葬之東陶有書百餘卷藥數
囊悉以送之後弟子夏榮言其尸解邕至今恨不取其寶書仙
藥劉向惑於鴻寶之說君游眩於子政之言古今愚謬豈惟一
人哉

魏志華佗傳注又博物志卷五引議郎李軍學郤儉辟穀食至人之逐聲乃至于是數語

陳思王辯道論云世有吾王悉招至之甘陵有甘始廬江有左